



Universitätsbibliothek Paderborn

**Francisci Baconi Baronis de Verulamio, Vice-Comitis S.
Albani, Summi Angliæ Cancellarii, Opera omnia, Quæ
extant: Philosophica, Moralia, Politica, Historica ...**

Bacon, Francis

Francofurti ad Moenvm, 1665

XXVI. Prometheus, sive Status hominis.

urn:nbn:de:bvb:12-bsb10497643-5

Artes incœpta præcident, & statum descrunt, & ad lucrum & commodum declinant, instar *Atalante*.

Declinat Cœsus, Aurumq; volubile tollit.

Iaque mirum minimè est, si Arti non datum sit, Naturam vincere, & victam ex pæcto illo & lege Certaminis perimere, aut destruere; sed Contrarium eveniat, ut Ars in Naturæ potestate sit, atque veluti nupta mulier conjugi pareat.

XXVI.

PROMETHEUS, SIVE STATUS.
HOMINIS.

Tradunt Antiqui Hominem fuisse opus *Promethei*, atque ex Luto factum, nisi quod *Prometheus* particulas ex diversis Animalibus Massæ admisceruerit. Ille autem cùm opus suum beneficiorum tueri vellet, neque Conditor solum generis humani videri, verum etiam Amplificator, ad Cœlum ascendit furtim, fasces secum portans ex Ferulâ, quibus ad currum Solis admotis, & accessis, Ignem ad terram detulit, atque cum hominibus communicavit. Ob tantum *Promethei* meritum memorant homines parùm gratos fuisse Quinetiam conspiratione factâ, & *Prometheum* & inventum ejus apud *lorem* accularunt. Eares non periude accepta, atque æquum videri possit. Nam ipsa accusatio *lovi*, & superis admodum cordi fuit, Itaq; delectati non solum ignis usum Hominibus indulserunt, verùm & novum Munus omnium maximè amabile & optabile (perpetuam nimirū Juventam) hominibus donarunt. Illi gestientes & inepti, donum Deorum Aſello imposuerunt. Inter redeundum autem laborabat Aſellus siti gravi, & vehementi; cumque ad fontem quendam pervenisset, serpens fonti custos additus, eum à potu prohibuit, nisi illud quocunque esset, quod in dorso portaret, pacisci vellet. Aſellus miser conditionem accepit, atque hoc modo instauratio Juventutis, in pretium haustus pusillæ aquæ, ab hominibus ad Serpentes transmisæ est. Verùm *Prometheus* a Malitia sua non abscedens, atque hominibus post præmium illud eorum frustratum, reconciliatus, animo verò orga *lorem* exulcerato, dolos etiam ad Sacrificium adhibere veritus non est. Atque duos aliquando tauros *lovi* dicitur immolasse, ita tamen ut in alterius pelle carnes & adipem amborum incluserit, alteram pellem ossibus tantummodo suffarcinârit; atque deinde religiosus scilicet, & benignus *lovi* optionem concessit. *Jupiter* vaſcitem, & malam fidem ejus detestatus, sed načtus occasionem ultionis, Ludibrium illud tauri elegit; atque ad vindictam conversus, cùm se inſolentiam *Promethei* reprimere non posse animadverteret, nisi hominum genus (quo opere ille immensum turgebatur, & efferebatur) afflixisset, *Vulcano* imperavit, ut feminam componeret pulchram & venustam, cui etiam Dii singuli dotes suas impertierunt, quæ idecirco *Pandora* vocata est. Huic femina inter manus vasculum elegans posuerunt, in quo omnia mala, & ærumnas incluserant; subsidebat autem in imo vase spes. Illa cum vasculo suo ad *Prometheum*, primò se contulit; eum captans, si forte ille vas accipere vellet, & aperire; quod ille cautus & astutus rejecit. Itaque ad *Epi-metheum* *Prometheus* fratrem, (sed diversæ admodum indolis) spreta deflexit. Ille nihil cunctatus,

vas temerè aperuit; cumque mala illa omnigena e- volare cerneret, sero sapiens, magnâ contentione, & festinatione vas operculum suum rursùs indec conatus est, vix tamen ultimam, & in fundo residentem Spem servare potuit. Postremò *Prometheo* *Jupiter* plurima & gravia imputans, quod ignis olim furtum fecisset, quod Jovis majestatem in sacrificio illo doloso ludibrio habuisset, quod dominum ejus spernatus esset, novo etiam addito criminis, quod *Pallas* vitiare tentasset, cum in vincula conjecit, & ad perpetuos cruciatus damnavit. Erat enim iussu *lovi* adductus ad montem *Cauca-sum*, atque ibi Columnæ alligatus, ut nullo pæcto se mouere posset; aderat autem Aquila, quæ jecur ejus interdiu rostro tundebat atque consumebat, noctu autem quantum comedum erat, renascebatur; ut nunquam doloris materia deficeret. Memorantamen hoc supplicium aliquando finem habuisse: *Hercules* enim in Poculo quod à Sole acceperat, navigato Oceano, ad *Cauca-sum* pervenit, atque *Prometheum* liberavit, Aquila sagittis confixa. Instituta autem sunt, in honorem *Promethei* apud nonnullos populos Lampadiferorum certamina, in quibus decurrentes accessas faces ferebant, quas si extingui contigisset, victoriam sequentibus cedebant, & subducebant, atque is demùm palmam accepit, qui primus faciem accessam ad metam uifque detulisset.

Fabula contemplationes plurimas veras atque graves & præ se fert, & premit. Nonnulla enim in eam pridem rectè notata, alia planè intacta sunt. *Prometheus* Providentiam liquidò & disertè significat: Atq; in rerum univeritate sola defumpta & delecta est ab Antiquis Hominis fabrica & constitutio, quæ providentia attribuantur tanquam opus proprium. Hujus rei non solum illud in causa esse videtur, quod Hominis natura Mentem suscipit, atque Intellectum Providentiaz sedem, atque durum quodammodo videtur, & incredibile ex Principiis brutis, & surdis excitare, & educere Rationem & Mentem, ut ferè necessario concludatur providentia Animæ humanæ indita esse, non sine exemplari & intentione, & Authoramento Providentia majoris. Verùm & hoc præcipue proponitur, quod homo veluti Centrum Mundi sit, quatenus ad causas finales; adeò ut sublati è rebus Homine, reliqua vagari sine proposito videantur, & fluctuari, atque, quod ajunt, scope dissolutæ esse, nec fine petere. Omnia enim subserviunt Homini, isq; usum & fructum ex singulis elicit & capit. Etenim Astrorum conversiones, & Periodi, & ad distinctiones temporum, & ad Plagorum Mundi distributionem faciunt. Et Meteora ad præfagiæ tempestatum, & venti tum ad navigandum, tum ad Mola, & Machinas, & Plantæ, atque Animalia cuiuscunque generis, aut ad domicilia hominis & latæbras, aut ad vestes, aut ad victimæ, aut ad Medicinam aut ad levandos labores, aut denique ad deletionem & solatium referuntur: adeò ut omnia prorsus non suam rem agere videantur, sed hominis. Necque temerè additum est, in Massæ illa & Plasmate, particulas ex diversis animantibus defumtas, aque cum luto illo temperatas & confusas fuisse, quia verissimum est, omnium rerum, quas universum complectit, hominem rem maximè compositam esse, & decompositam, ut nō imeritò

ab 27.

ab antiquis mundus minor vocatus sit. Quamvis enim verbi Microcosmi Elegantiam, Chimici nimis putidē, & ad literam accéperint, & detorseint, dum in Homine Oinnem Mineram, Omne vegetable & reliqua, aut aliquid eis proportionatum subesse volunt; Manet tamen illud solidum & sanum quod diximus; Corpus Hominis omnium Entium & maximē militum, & maximē organicum reperi, quo magis admirandas virtutes, & facultates fulcitur, & inciscitur: Simplicium enim Corporum Vires paucæ sunt, licet certæ & rapida, quia minimè per Mixturam refractæ, & comminutæ, & libratae existunt; virtutis autem Copia & excellētia in Mistrū & compositione habitat. Atque nihilominus Homo in Originibus suis videtur esse res inermis & muda, & tarda in Juvamentum sui, denique que plurimis rebus indiget. Itaque festinavit *Prometheus* ad inventionem ignis, qui omnibus, ferè humanis necessitatibus & usibus suppeditat & ministrit levamente & auxilia: ut si forma formarum Anima, si instrumentum Instrumentorum Manus, Etiam auxilium auxiliorum, si Opis Opium Ignis dici mereatur. Hinc enim Operaciones quamplurimæ; Hinc Artes Mechanicae; Hinc scientiæ ipse infinitis modis adjuvantur. Modus autem futuri Ignis aptè describitur, atque ex naturâ rei. Is fuisse prohibetur per virgam ex ferulâ ad Currum Solis admotam. Ferula enim ad percussionem & plágas adhibetur, ut luculenter significetur, Ignis generatioem per corporum violentias percussionses & collisiones fieri, ex quibus attenuantur Materiae, & in motu ponuntur, & ad calorem Celestium fuscipendum preparantur, ignemque veluti ex currū Solis modis clandestinis ac quasi furtim decerpunt & rapiunt. Sequitur Parabola pars insignis. Homines loco gratulationis & gratiarum actionis, ad indignationem, & expostulationem versos esse, atque accusationem & *Promethei* & Ignis apud *foem* instituisse; eamque rem *foem* acceptissimam fuisse, adeò ut hominum commoda ob hoc novâ munificentia cumulaverit. Quorū enim ista criminis ingratia erga Authorem suum animi (quod virtutem omnia ferè complectitur) approbatio & remuneratio? Res alio spectare videtur. Hoc enim vult Allegoria; Incusationem & Naturæ suæ, & Artis per homines factam, ex optimo Mentis statu proficii, atque in bonum cedere; contrarium Diis invisum, & infaustum esse. Qui enim Naturam humanam vel Artes receptas in immensum extollant, & effusi sunt in admirationem earum rerum, quas habent, & possident, & scientias quas prōfertur, aut colunt, perfectas prorsus censeri volunt, illi primò aduersus divinam naturam minus reverentes sunt, cuius perfectioni sua ferè equiparant; Deinde iudicem erga homines magis sunt infructuosi, cum se ad fastigium rerum jam pervenisse patent & tanquam perfuncti ultraiora non querant. Contrā qui Naturam & Artes deferunt, & accusant & querimontiarum pleni sunt, illi vere & magis modestum animi sensum retinent, & perpetuo ad novam industriam, & nova inventa extimulantur. Quo mihi magis mirari libet Hominum insci-

tiam, & malum Genium qui paucorum arrogantia servuli, istam Peripaticorum Philosophiam, portionem Græce sapientia, nec eam magnam, in tanta veneratione habent, ut omnem ejus incusationem non solum inutilem, sed suspectam & ferè periculosa reddiderint. Atque magis probandus est, & *Empedocles*, qui tanquam furens, & *Democritus*, qui magnâ cum verecundia, quaruntur, Omnia abstrusa esse, nihil nos scire, nil cernere, veritatem in profundis puteis immersam, veris falsa miris modis adjuncta, atque intorta esse; (nam Academia nova modum prorsus excessit) quam *Aristoteles* schola fidens & Pronunciatrix. Itaque monendi sunt Homines, delationem Naturæ & Artis Diis cordi esse, & novas Eleemosynas, & donaria à divina benignitate impetrare, & incusationem *Promethei* licet Authoris & Magistris, eamque acrem & vehementem magis sanam & utilem, quam gratulationem effusam esse; denique opinionem Copia inter maximas causas Inopie reponi. Quod verò attinet ad Doni genus, quod homines in premium accusationis dicuntur accepisse (Floren Juventutis videlicet non deciduum) ejusmodi est, videantur Antiqui de Modis & Medicinis ad lenescutis retardationem, & vitæ prolongationem facientibus, non desperasse; sed illa utique numerasse potius inter ea, quæ per Hominum inertiam, & incuriam licet semel accepta periēre, aut frustrata fuit; quam inter ea quæ plane negata & unquam concepta fuerint. Significant enim, & immuunt, exignis verò usu, atque ex artis erroribus bene & strenue accusatis, & convictis, munificentiam divinam ad hujusmodi dona hominibus non defuisse; ipsos sibi deesse, cum hoc Deorum munus Acello imposuerint lento & tardigrado; Ea videtur esse Experientia res stupida & plena morte, & cujus gradu tardo & testudo ne antiqua ilia quærimonia de *Vita brevi*, & *Arte longa* nata est.

Atque certè nos in ea sumus opinione, facultates illas duas, *Dogmaticam* & *Empiricam*, adhuc non bene conjunctas & copulatas fuisse, sed nova Deorum munera, aut Philosophiis abstractis tanquam levi Volucris; aut lenta & tarda experientia tanquam Acello imposita esse. In quo tamen de Acello illo non male ominandum est, nisi interveniat illud accidentis via & sitis. Existimamus enim, si quis experientia, veluti certa lege & Methodo constanter militer, neque inter viam experientia, quæ vel ad Lucrum facinnt, vel ad ostentationem hauriendi siti corripiatur, adeò ut ad ea comparanda onus suum deponat & distrahatur; cum munificentia divinæ auctæ & novæ Bajulum non inutilem fore. Quod verò domum illud ad Serpentes transferit, ea videtur adjectio ad Fabulam ornatus ferè gratiâ; nisi forte illud inferuerint, ut Homines pudcat, se cum igne illo suo, & tot artibus ea in se transferre non posse, quæ Natura ipsa compluribus aliis animalibus largita est. Etiam illa subita Hominum cum *Prometheo* reconciliatio postquam spe sua decidissent, monitum habet utile & prudens. Notat enim Hominum levitatem & temeritatem in experimentis novis. Ea enim si statim

statim non succedant, & ad vota respondeant, præpropera festinatione, homines incœpta deferrunt, & præcipites ad Vetera revertunt, iisque reconciliantur. Descripto statu hominis, quoad artes & intellectualia, Parabola transit ad Religionem; culturam enim Artium, Cultus Divinorum comitatus est; quem statim Hypocritis occupavit & polluit. Itaque sub duplice illo sacrificio, eleganter representatur persona verè Religiosi & Hypocritæ. Alteri enim inest adeps, Dei ministrum portio, ob inflammationem, & suffitum, per quod affectus & Zelus ad gloriam Dei incensus, atque alta petens significatur; Insunt viscera charitatis, in sunt carnes bona, & utiles. In altero nihil præter ossa arida, & nulla reperiuntur, quæ nihilominus pellem faciunt, & hostiam pulcherrimam & magnificam imitantur: per quæ rectè notantur externi, & inanes ritus & Ceremoniae jejuna, quibus homines cultum divinum onerant & inflant, res ad ostentationem potius composita, quam ad pietatem facientes. Neque fatus est hominibus hujusmodi ludibria Deo offerre, nisi ea etiam illi imponant & impudent, ac si ipse illa elegerit, & prescriperit. Certè Propheta sub Dei persona de hac optione expostrulat: *Nam tandem hoc est illud lejunum, quod elegi, ut homo animam suam in diem unum effigiat, & caput instar juncos demutat?* Post statum Religionis, Parabola se veritad mores, humanae & vita conditions. Atque pervulgatum est illud, & tamen rectè potius, per Pandoram significari Voluptatem, & Libidinem, quæ post vitæ civiles artes & cultum, & luxum, veluti ex dono ignis, & ipsa incensa est. Itaque Vulcano qui similiter ignem repræsentat, officium voluptatis deputatur. Ab illa autem infinita mala, & in animos & in corpora & fortunas hominum una cum sera pœnitentia fluxerunt; neque tantum in status singulorum verum etiam in Regna & Respub. Ab eodem enim fonte bella & tumultus, & Tyrannides ortum traxere. Verum opere prætium est animadvertere, quam bellè & eleganter fabula duas humanæ vita conditions, & veluti Tabulas five Exempla sub personis Promethei & Epimethi depinxerit. Qui enim Sectam Epimethi sequuntur, illi improvidi, neque in longum coniuentes, quæ in præsencia suavia sunt, prima habent, atque multis sane propter hoc angustias & difficultatibus, & Calamitatibus premuntur, & perpetuò ferè cum illis conflictantur; interim tamen genum suum placant, atque insuper ob rerum imperitiam multas inanes spes intra annum volvunt, quibus tamen veluti suavibus insomnis se deleant, atque miseras vite sua condidunt. Prometheus autem schola, homines nimis prudentes, & in futurum propiciantes, multa scilicet mala, & infortunia caute subinvent & rejeiunt; Verum cum hoc bono illud conjunctum est, ut multis voluptatibus, & varia rerum jucunditate se prævenit, & Genius suum fraudent, atque quod multò pejus est, Curis & sollicitudine & timoribus intestinis se crucient, & conficiant, alligati enim Necesitatibus columnæ, innumeris cogitationibus (quæ, quia volucres ad modum sunt, per Aquilam signifi-

cantur) iisque pungentibus, & jecur mordentibus & corrodentibus vexantur; nisi fortè aliquando veluti noctu exiguam quampiam animi remissionem, & quietem nanciscantur; ita tamen ut statim subinde redeant novæ anxieties, & formidines. Itaque paucis admodum utriusque Sortis beneficium contigit, ut providentia commoda retinuerint, solicitudinis, & perturbationis malis se liberarint: neque id quisquam assequi potest, nisi per Herculem, id est, Fortitudinem, & animi Constantiam, quæ in omnem eventum parata, & cuicunque sorti æqua, prospicit sine metu, fruatur sine fastidio, & tolerat sine impatiens. Atque illud notatum dignum est, Virtutem hanc Prometheus non innatam, sed adventitiam fuisse, atque ope aliena. Nulla enim ingenua, & naturalis Fortitudo, tanta rei par esse possit. Sed haec virtus ab ultimo Oceano, atque à Sole accepta & advecta est: Praestatur enim à Sapientiæ, tanquam à Sole, & à meditatione inconstantia, ac veluti undarum humanae vite, tanquam à navigatione Oceani; quæ duo Virgilius bene conjunxit:

*Felix qui potuit rerum cognoscere causas,
Quisque merus omnes, & inexorabile fatum
Subiectis pedibus strepitumque Acherontis avari.*

Elegantissime autem additur ad Hominum animos consolandos & confirmandos, Heroem istum in gentem in poculo sive urceo navigasse: ne forte natura sua angustias, & fragilitatem nimium perimefiant, aut cauferunt; ac si hujusmodi fortitudinis & constantiæ capax omnino non esset; de quo ipso Seneca bene ominatus est, cum dicat, *Magnum est babere simul fragilitatem hominis, & securitatem Dei.* Sed jam retrocedendum est ad illud, quod consultò præterivimus, ne ea quæ inter se connexa sunt, abrumperemus. Hoc est, de novissimo illo Promethei crimen, quod pudicitiam Minervæ sollicitasset. Nam & ob hoc Delictum gravissimum certè, & maximum, illam pecnam laniationis viscerum subiit. Illud non aliud esse videtur, quam quod homines artibus, & Scientiâ multâ inflati, etiam Sapientiam divinam sensibus & rationi subjicere sapienter tentent; ex quo certissime sequitur mentis laceratio & stimulatio perpetua & irrequieta. Itaque mente sobria & submissa distinguenda sunt humana & divina; atque oracula sensus, & fidei; nisi fortè & religio heretica, & Philosophia commentitia hominibus cordi sit. Restat ultimum illud de ludis Promethei cum tædis ardentiibus. Hoc rursus ad Artes Scientiarum pertinet, sicut Ignis ille, ad cuius memoriam & celebrationem hujusmodi ludi instituti sunt; atque continet in se monitum, idque prudentissimum ut perfectio Scientiarum à successione, non ab unius alicujus perniciitate, aut facultate exceptetur. Etenim qui ad Cursum & contentionem velocissimi & validissimi sunt, ij ad faciem suam accentuā servandam fortasse minus sunt habiles, cum à cursu rapido, quæ ac nimis tardo, periculum extinctionis immineat. Ita autem Luminum cursus & certamina jampridem intermissa

missa videntur, cùm Scientiæ in primis quibusque authoribus, *Aristotele*, *Galen*, *Euclide*, *Ptolomeo*, maximè florere cernantur; atque successio nil magni efficerit, aut ferre tentaverit. Atque optandum esset, ut illi Ludi in honorem *Promethei*, sive humanæ Naturæ instaurarentur, atque Res certamen & emulationem & bonam fortunam reciperet, neque ex unius cujuspiam face tremulâ atque agitatâ penderet. Itaque homines monendi sunt, ut se ipsi suscitant, & vires atque etiam vices suas experiantur, neque in paucorum hominum animulis & cerebellis omnia ponant. Hæc sunt illa, quæ in Fabulâ ista vulgari, & decantata nobis adumbrari videntur; neque tamen inficiamus, illi subesse haud pauca, quæ ad Christianæ fidei mysteria miro consensu innuant; ante omnia Navigatio illa Herculis in Urceo ad liberandum *Prometheum*, Imaginem Dei Verbi in carne tanquam fragile vasculo ad redemptionem humani properantis præ se ferre videtur. Verum non omnem in hoc genere licentiam nobis ipsi interdicimus, ne forte igne Extraneo ad Altare Domini utamur.

XXVII.

ICARUS VOLANS: ITEM SCYLLA, ET
CHARYBDIS, SIVE, VIA MEDIA.

Mediocritas, sive Via Media, in Moralibus laudatissima est; in Intellectualibus minus celebrata, sed non minus utilis, & bona: In Politicis tantam suspecta, & cum judicio adhibenda. Morum autem Mediocritates, per viam *Icaro* præscriptam; Intellectualium autem, per Viam inter *Scyllam* & *Charybdis* oꝝ difficultatem & periculum de cantata, ab Antiquis notantur. *Icaro* præcepit Pater, cùm Mare esset prætervolandum, ut viam aut nimis sublimen, aut nimis humilem caveret. Cùm enim Alæ cerâ essent conglutinatae, periculum erat si altius efferretur, neocera ex Solis ardore liqueficeret; Sin ad vaporem Maris proprius se submitteret, ne ab humore cera minus tenax efficeretur. Ille vero auctu Juvenili in celisiora contendit, atque in præceps lapsus est. Parabola facilis & vulgata est: Virtutis enim via inter Excessum, & Defectum recto tramite aperitur. Neque mirum erat, si *Icarum*, Juvenili Alacritate gestientem, Excessus perdidit. Excessus enim ferè Juvenum: Defectus Semini vita esse solent. Ex Semiti tamen malis: & nocivis, elegit *Icarus*, si plene pereundum erat) meliorem. Defectus enim recte astimantur Excessibus praviores. Quandoquidem Excessui, nonnihil Magnanimitatis subfit, & cognitionis cum Cœlo, ad instar volucris: Defectus verò humili serpat, instar Reptilis. Praeclarè Heraclitus; *Lumen Siacum*, *Optima Anima*. Nam si ex humo humorem contrahat anima: prorsus deprimitur & degenerat: Interim tamen Modus adhibendus est, ut ab illa Siccitate laudata, Lumen reddatur subtilius, non corripatur incendium. Atque hæc cuivis ferè nota sunt. At via illa in Intellectualibus inter *Scyllam* & *Charybdis*, certè & peritiam navigandi, & felicitatem desiderat. Si enim in *Scyllam* incident Naves, illiduntur cautibus: Sin in *Charybdis*, absorbentur. Cujus Parabolæ ea videtur esse

vis (quam nos breviter perstringemus, tametsi infinitam trahat contemplationem) ut in omni Doctrina & Scientiâ, earumque Regulis & Axiomatibus, Modus teneatur inter Distinctiōnum Scopulos, & universaliū Voragine. Hæc enim duo naufragii ingeniorum, & Artium famosa sunt.

XXVIII.

SPHINX, SIVE SCIENTIA.

Traditur *Sphinx* fuisse Monstrum specie multiforme; facie, & voce virginis; pennis volucris; ungibus *Gryphi*: Jugum autem Montis in agro *Thebanorum* tenebat, & vias obsidebat: Mos autem ei erat, viatores, ex insidiis invadere, ac comprehendere: quibus in potestatem redactis, Enigmata quædam obscura & perplexa proponebat, quæ à Musis præbita, & accepta putabantur. Ea si solvere, & interpretari, miseri captivi non possebant; hesitantes & confusos in illis, magna sevitia dilaniabant. Hæc calamitas cum diu grassaretur; primum positum est à *Thebanis*, (ipsum *Thebarum* Imperium) viro qui *Sphingis* Enigmata explicare posset, (neque enim alia superanda illius ratio erat) Tanto pretio excitatus *Oedipus* vir acer, & prudens, sed pedibus læsis, & perforatis conditio nem accepit, & experiri statuit. Postquam autem fidens animi & alacer se coram *Sphingis* stiset: Illa ab eo quæsivit, quale tandem illud Animal esset, quod primum quadrupes natum, postea bipes factum esset, deinde tripes, ad extreum rufius quadrupes. Ille præfenti animo respondit, Illud in Hominem competere, qui sub ipsum partum & infantiam quadrupes provolvitur, & vix repere tentat, nec ita multò post erectus & bipes incedit; in Senectute autem baculo innititur, & se sustentat, ut tanquam tripes videatur! extrema autem atate decrepitus Senex labantibus nervis, quadrupes decumbit, & lecto affigitur. Itaque vero responso victoriæ adeptus *Sphingem* interemittit: Cujus corpus Asello impositum, veluti in Triumpho ducebatur; ipse autem ex pactis Rex *Thebanorum* creatus est. Fabula elegans, nec minus prudens est: atque videtur conicta, de scientiâ, preterim conjuncta practicæ. Siquidem Scientia non absurdè Monstrum dici possit, cum ignorantibus & imperitis prorsus admirationi sit. Figura autem & specie multiformis est, ob immensam varietatem subjecti, in qua Scientia versatur: vultus & vox affingitur Muliebris ob gratiam & loquacitatem: Adduntur Alæ, quia Scientiæ & carum Inventa momento discurrent, & volant, cùm Communicatio Scientiæ sit instar Luminis de Lumine, quod affatim incenditur. Elegans sim autem attribuuntur ungues acuti, & adunci; quæ Scientiæ Axiomata, & Argumenta penetrant mentem, eamque præhendunt & tenent, ut movere & elabi non possit: quod & Sanctus Philosophus notavit; *Verba Sapientum* (inquit) sunt tanquam *Aculei*, & veluti *Clavis* in *Altum* defixi. Omnis autem Scientia collata videtur in arduis & editis Montium. Nam res sublimis merito putatur, & excelsa, & ignorantiam tanquam ex superiori loco despiciens,